

Origen Festival Cultural: cant rumantsch

Cant tgi vo a pêr cun las calours d'aton



Sot la direcziun da Clau Scherrer canta i gl chor cumposiziuns da cumponists rumantschs.

Foto Benjamin Hofer

Gion Nutegn Stgier/FMR

Treis concerts differents, dus sen far notg ed egn la dumang sen far de. Igl onn cultural tar Origen vo a fegn cun blier cant, cant tgi vo a cor. Aint i gl center digl amprem concert stattan cumposiziuns rumantschas, cumposiziuns tg'ins canoscha betg uscheia.

Origen ò dad onn tar onn betg angal adegna duple amateurs digl solt. Na, i gl festival cultural ò er fitg blers ameis digl cant. Aint i gl frataimp ò i gl Chor d'Origen cu gl «maestro» Clau Scherrer sa fatg en nom sen camp naziunal ed er internaziunal. Siva tgi la pandemia ò procuro tgi occurrenzas da cant èn neidas pi raras, ò er tar Origen i gl cant pers en po taragn, ma betg a muntada. Per la fegn digl 2021 stattan persiva gist treis concerts segl program tigl pi grond festival da cultura tgi dat aint i gl Grischun. Venderde ò i gl festival preschento i gl sies program d'aton agls Mulegns.

Derungs, Dolf e Cantieni

La tor cotschna sensom i gl Pass digl Gelgia è er i gl li adatto per concerts noua tgi la lavada digl suglegl e la darandeida èn ena part essenziala digls concerts. Pigls concerts «Ruinaulta» ò Clau Scherrer catto las pi belas canzungs tgi von bagn a pêr cu gl aton, chella

staschung tgi dat alla nateira en oter maletg, en maletg cun calours tgi paran d'esser messas an teila digl pi grond pictour.

Messas an notas da cumponists grischuns ancunaschaints èn alloura las melodias tgi i gl Chor d'Origen interpretscha tigls quatter concerts «Ruinaulta». Da santeir èn cumposiziuns da Gion Antoni Derungs, Benedetg Dolf, Armon Cantieni ed er da Paul Juon. Cant lategn e chegl i gl pi fegn, stat segl program tar Origen cun l'antschatta digl advent. Igl treis concerts «Rorate» on li la dumang allas 07.00 e vignan ad esser dalla taimpra ed er dalla qualitat fitg singulars. Maximilian Vogler cu gls sies omens anveida ad ena meditaziun matutina tgi lascha s'accorscher l'antschatta digl advent pir dretg. Per sa legrar sen Nadal èn alloura igls quatter concerts tg'on li varsaquants deis avant la gronda festa. Igl Chor d'Origen interpretscha musica da Nadal da cumponists franzos, ovras tgi rachintan an pled e tung dalla speranza e digl return dalla gleisch.

En immens interess

La stad passada è sto pussebel da vurdar davos las miraglias da passa 150 onns digl hotel Liun agls Mulegns. Gist cun en talmaint grond domber dad interessos ins veva betg chinto, dei Giovanni Netzer, i gl intendant d'Origen. Realitad è tgi 23 000 persungas on gia interess da vaseir i gl hotel cun ena fitg gronda istorgia. L'istorgia da chella tgesa da

ORIGEN

Nigna sagonda veta per la tor cotschna

La tor cotschna digl festival cultural Origen segl Pass digl Gelgia vign demontada la fegn d'avost 2023. Scu chegl tgi Giovanni Netzer, i gl intendant d'Origen ò detg anvers RTR, na seia betg previa da duvrar la tor ainten la madema furma ainten en oter li. Giovanni Netzer: «Igl ò do diversas speculaziuns noua tgi la tor pudess anc star, nous ischan pero propi persvadias, i gl è ena structura temporara, creada per en li, chel mument tg'ella na stat betg ple, è ella svaneida.»

Igl material dalla tor na duess dantant betg neir dismiss, la lenna ed i gl veder dalla tor duessan neir nizigias per en oter scopo, tar oters stabilimaints. Atgnamaintg vess Origen gia da demontar la tor temporara gio la fegn digl onn passò. Perveia dalla crisa da corona ò i gl cantun Grischun pero prolungo la lubientscha per la tor temporara. (rtr/fmr)



Foto Benjamin Hofer